

- Ministarstvo zdravstva Kantona Sarajevo (u daljem tekstu: Ministarstvo), kojeg zastupa Mr. sci. dr med. Enis Hasanović, Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Mr.sci.oec. Muamer Kosovac, Direktor

Klinički centar Univerziteta u Sarajevu (u daljem tekstu: KCUS), kojeg zastupa Prim.doc.dr.sc.med. Alen Pilav, Generalni direktor

JU Apoteke Sarajevo (u daljem tekstu: JUAS), koje zastupa Mr.ph. Zenaida Hasić, Generalna direktorica

PZU Apoteka Dina (u daljem tekstu: Apoteka Dina), koju zastupa mr.ph spec. Elvedina Kapetanović, Direktor

PZU Apoteka Oaza zdravlja (u daljem tekstu: Apoteka Oaza zdravlja), koje zastupa Mr.ph. Nina Erbez, Direktor

Zaključili su



**PROTOKOL**  
**o realizaciji programa obezbjeđenja lijeka okteroid za liječenje osiguranih lica**  
**oboljelih od akromegalije**

Član 1.

Zavod zdravstvenog osiguranja Kantona Sarajevo će za osigurana lica na teret sredstava obaveznog zdravstvenog osiguranja obezbijediti lijekove:

Generički naziv	Zaštićeni naziv	Proizvođač	Oblik i jačina	VPC (KM)
Oktreotid	Sandostatin Lar	Novartis	inj. 20 mg	500,00
Oktreotid	Sandostatin Lar	Novartis	inj. 30 mg	650,00

Učešće Zavoda u utvrđenoj cijeni lijeka iznosi 100 %.

Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke u kojima se vrši promet predmetnih lijekova.

Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 6 mjeseci (navedeni uslov provjerava Zavod).

### Član 3.

Indikacije za propisivanje lijeka:

- osigurana lica oboljela od akromegalije, po preporuci bolničkog specijalista internista endokrinologa

Osiguranicima koji se nalaze na bolničkom liječenju, a tokom bolničkog liječenja su im potrebni lijekovi iz člana 1. ovog protokola, isti će se obezbijediti na teret sredstava zdravstvene ustanove u kojoj se liječe, a ne putem ovog protokola na teret Zavoda.

### Član 4.

Zdravstvena ustanova koja je potpisnik ovog protokola je u isti uključena kao ugovorna zdravstvena ustanova Zavoda po osnovu ugovora o pružanju zdravstvenih usluga osiguranicima Zavoda zdravstvenog osiguranja Kantona Sarajevo.

Ovlašteni ljekari za propisivanje lijekova iz člana 1. prema indikacijama iz člana 2. su ljekari Klinike za nuklearnu medicinu i endokrinologiju KCUS:

- Prim. dr. Armana Cerić
- Dr. Anida Divanović-Slato
- Doc.dr.sci. Amela Dizdarević-Bostandžić

Zavod i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku lijekova po ovom Protokolu.

Nije dozvoljeno propisivati recepte putem ovog protokola za pacijente koji su delegirani iz neugovornih zdravstvenih ustanova Zavoda.

### Član 5.

Propisivanje lijekova iz ovog protokola će se vršiti putem elektronskih recepata (eRecept i/ili eTerapija).

Zavod će obezbijediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivačima prilikom rada u integralnom informacionom sistemu.

### Član 6.

Propisane recepte osiguranici će moći realizovati u sljedećim apotekama:

- Apoteka Koševo, ul. Bolnička 9
- Apoteka Dina 1, ul. Hadželi 140
- Apoteka Dina 2, ul. Ul. Stari drum bb
- Apoteka Dina, ul. Bulevar Meše Selimovića bb
- Apoteka Oaza zdravlja Alipašin most, ul. Safeta Zajke do br.59
- Apoteka Oaza zdravlja Bihaćka, ul. Bihaćka br.1

Apoteke koje su potpisnice ovog Protokola se obavezuju da će sve vrijeme imati na stanju sve preparate iz člana 1. ovog Protokola (osim lijekova ili preparata koje uslijed objektivne nestašice nije moguće nabaviti), te omogućiti pacijentima nesmetanu realizaciju propisanih recepata, i iste fakturisati Zavodu, po cijenama i načinu utvrđenim članom 1. ovog Protokola.

#### Član 7.

Saglasnost za uvođenje u Protokol osiguranicima daje Zavod, po pismenom zahtjevu KCUS, a na osnovu prijedloga Klinike za nuklearnu medicinu i endokrinologiju KCUS, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.

#### Član 8.

Ovlašteni ljekari iz člana 4. Protokola su dužni dostavljati tromjesečne izvještaje o osiguranicima uključenim u ovaj program liječenja i postignutim rezultatima terapije. Tromjesečni izvještaj se dostavlja Zavodu najkasnije 30 kalendarskih dana po okončanju svakog tromjesečja.

Izvještaji trebaju obuhvatati najmanje slijedeće podatke za svakog pacijenta koji prima lijekova iz ovog Protokola:

- ime i prezime pacijenta
- datum rođenja
- razlog i datum uključivanja terapije, očekivani i dobiveni efekti
- medicinska dokumentacija na osnovu koje je osiguranik uveden u protokol

U slučaju nedostavljanja navedenih izvještaja, Zavod može obustaviti daljnje finansiranje lijekova koji se obezbjeđuju po osnovu ovog Protokola.

#### Član 9.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni radnici Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje lijekova koji se obezbjeđuju po osnovu ovog Protokola.

Zavod ima pravo da tokom cijelog perioda trajanja protokola vrši kontrolu kontinuirane ispunjenosti uslova za uključivanje apoteka u Protokole definisanih javnim pozivom.

Apoteke za koje se utvrdi da u svom radu ne poštuju odredbe ovog Protokola ili ne poštuju uslove utvrđene javnim pozivom, a za koje su dostavile tražene dokaze, izjave ili potvrde, biće isključene iz daljnje realizacije ovog Protokola.

#### Član 10.

Ovaj Protokol se zaključuje na period od 01.01.2026. do 31.12.2026. godine, odnosno do potpisivanja novih Protokola.

#### Član 11.

Zavod zadržava pravo da u toku trajanja Protokola, bez aneksiranja istog, izvrši izmjene artikala, cijena, ovlaštenih propisivača, a o čemu će obavijestiti ostale potpisnike.

Zavod je ovlašten i da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 12.

Ovaj Protokol sačinjen je u šest (6) istovjetnih primjeraka od kojih svaki potpisnik zadržava po jedan (1) primjerak.

Sarajevo, \_\_\_\_\_ godine

Ministarstvo zdravstva Kantona Sarajevo

14-01-2026

10-33-1242/P

Mr. sci. dr med. Enis Hasanović

Zavod zdravstvenog osiguranja

Kantona Sarajevo

01-33-5-243/26

09-01-2026

Mr. sci. spec. Muamer Kosovac

Klinički centar Univerziteta Sarajevo

01-04-11-194-12

23-01-2026

Prim. doc. spec. med. Alen Pilav

JU Apoteke Sarajevo

01-03-213/26

23.01.2026

Mr. ph. Renata Hasic

PZU Apoteka Dina

03-11-2026

Mr. ph. spec. Fehim Štećanović

PZU Apoteka Oaza zdravlja

Mr. ph. Nina Erbez